

祠祀

國家大事自祀祀有所有報有由辟法施於民捍大菑禦大患而祀不者不入祀典温祀之應乎典者歲有常期有司祇虔奉行如創其里社享賽蒞有曠月刲牲演劇祭非其鬼昨作之昨怖之有其舉之莫敢或廢若彼象教西來崇飾招提金碧眩目单刀耗財存而無論可也

社稷壇

在縣西門外 國朝雍正十二年知縣顧心錯修每年春秋二仲月戊日祭

風雲雷雨山川壇

在南門外右雍正十二年知縣顧心錯修每年春秋二仲月戊日祭

先農壇

在城外東南隅雍正五年知縣劉大觀建每年仲春擇日祭

厲壇

在城北每年清明節七月十五日十月初一日祭

文廟

詳學校志

温縣志

卷之八 祠祀

武廟

在文廟後 國朝乾隆二十三年知縣王其華改建戲樓三間大門三間大殿三間兩廡房十間 拜殿三間享殿三

間結義祠三間武侯祠二間更衣亭一座僧房五間每年春秋擇日祭五月十三日祭

王其華記帝千古忠義士也生則威振一時歿則靈護累代制頒廟祀歷有年所迄我 朝贈以帝號享以太牢又王其三代

禮視前代有加幾與道全德脩之 孔聖等嗚呼盛已温城舊

置兩廟春秋戊祭借猷於西閔外南街地囂且隘翊望行香則在弦歌門內既無專所其廟靠城東嚮不正離位於制則乖於

禮亦慢余來秉温篆見禮制未洽非 國家崇尚意爰集士民

議遷帝廟僉卜大成殿之後街余曰帝志在春秋原本尼山而孔為萬世師閔為萬人敵以虎臣追隨鳳聖後先輝映 帝而

有靈當亦喜其珠聯璧合焉遂可眾議諏吉興工闢隘擴宇南

面而殿如嚮離制建親宮於後殿遵 國典也宮左立結義廟

以誓同生 死存效如一體 帝志也 宮右立武侯祠 以昭烈得
武侯喻魚得水 帝心一昭烈之心 亦體帝志也 兩廊繪顯庸
標大節 在殿前左右 殿之南則山門 聳殿門以外 則樂樓迴映
復購隙地於西廊之西 創更衣亭 並築僧房 厨室 統計四十四
楹 高曠幽靜 蓋視舊規 判霄壤矣 夫人所不悅者 神必不歡 斯
舉也 衆皆踴躍 共勦厥事 自茲春秋 享奠朔望 拜稽得有專所
而制合禮 崇 帝不來格 來饗陰庇我黎庶 乎矧廟殿 黌宮兩
美相連 俾都人士 瞻前師道德 顧後師忠義 其益於温者 尤不
小 耶因臚記而鐫之於石 以垂久遠

忠義祠 春秋二仲月丁日祭

節孝祠 在縣治東 乾隆二十三年知縣王其華

捍禦宮 在城外東南隅 乾隆二十三年知縣王其華創建大門三間 戲樓三間 二大王殿三間 東西兩廡三十間 後閣三間

温縣志 卷之八 祠祀

閣兩旁殿各三間 僧房寮屬十一間 中書鄭士拔又建鐘鼓樓二間 九月十七日祀通濟王 十二月十四日祀襄濟王 每歲收

成後祀八蜡 劉將軍

龍王閣 在捍禦宮二王殿後

劉將軍祠 在龍王閣左

八蜡祠 在龍王閣右

王其華捍禦宮碑文 禮為民禦災 則祀之 捍患則祀之神 因民

祀所以別 淮祠也 濱河區有 二王廟 乃臨安 謝諱緒偃師

黃諱守才 二公人也 而神効靈庇佑百姓 前後歷有成案

詔封 二王號 立廟時 享由來 舊矣 若 八蜡神 以祈年 順成

廟祀 劉將軍 以驅除蝗蝻 廟祀亦以其為民禦災 捍患 勅

令報功於禮 皆稱温南濱大河時 慶安瀾 灘田歲各有秋 至舟

楫往來如履平地 尤 二王是禱而數年四境不告水旱不聞

蠹賊則八蜡神 劉將軍之默佑也夫淫祠則張大華麗禦
民災捍民患者則事之不謹於人爲忘息於神爲失禮遵 朝
制以酌 神庸不宜出此余蒞任謁 神見舊廟湫隘且失其
所久欲改建會今春士民有築堤濬濠之請諭勸並舉僉議允
協遂請卜地余見溫城虎旺龍衰下臂散漫無情城之東南隅
坡嶺下培高建廟旣可棲 神又補風脉缺漏一舉兩得爰捐
俸首倡里民樂輸買地興工其制中爲 二王殿殿之前爲樂
樓兩旁圍以廊廡廊廡之南裹角折過與樂樓齊樂樓外立大
一門門以內有鐘鼓亭大殿後東西兩殿一祀 八蜡神一祀
劉將軍中起龍王閣則又爲祈雨設也旁再蓋禪房棲守廟僧
共計五十九楹工始於戊寅年夏四月成於冬十月顏之曰捍
禦宮見斯廟之建爲城邑風脉捍禦而廟中之神皆爲民捍禦
溫縣志 卷之八 祠祀 三

災患而祀遵制酌庸禮所當然非淫祠比也若夫廟前後四層
環種楊柳參差隱見遙望如峯嵐層疊而黃流之烟波萬狀北
邙之翠色橫列以及虎牢嵩峯掩映於雲日間者舉可於殿閣
中極目收之矣是舉也民費其財士任其勞維余亦殫神思故
勒石以記

吳玉斗捍禦宮頌維神司水鎮我河陽萬里九曲鯨波不揚砥
柱中流汪濊浩蕩潤遍蘇封寶筏慈航舊廟今遷鷄城東崗爽
塏吉地龜卜允臧峯壓虎牢雄視北邙翠殿飛閣雲臺壘壘兩
廊霞映虹橋穿雙園以金堤澤以新隍鳩工不日輝同宜房新
廟告成一邑保障銀波南徙瀾迴清黃澄清可期陋彼沙囊護
我菽麥鞏我金湯菑可再出瑞現榮光地靈人傑甲第聯芳統
托神休左携右匡血食俎豆禴祀蒸嘗虎拜水殿麟舞鳳舞

秋萬禩宏濟無疆

邑令王其華詩為憂災患改神壇殿閣新開洗舊觀一吏經營
疲亦樂庶民攻築亟而歡樓臺不作登臨計色相還因捍禦安
報賽千秋今得所莫同淮祀泛常看 堤護殿宮柳護牆超然

附郭鎖池隍屏開北拱千層翠帶繞南遷九曲黃壁畫晉餘邀
塔影市烟斜到接爐香神居勝地龍貽福水旱無憂歲不蝗

吳玉斗詩不使虎沙壓邑東人爭報賽築新宮千尋浪息三門
靜六穀歲登八蜡通龍閣春深啣遠翠鷗堤霞抹鎖長虹幸逢

瑞雪銷蝗患福滿溫泉捍禦功 又捍禦宮宴會耆老紀盛詩
魚宴紛排水殿前壽星滿座燧椒筵甘分馴雉肥三五圖繪跨

牛象一干話對虎牢蠻角地醉登龍閣鶴翔天麗眉盛際香山
會拄杖夜歸喜欲顛 鄭天叙詩信是蘇封一鉅觀龍樓高聳

溫縣志

卷之八 祠祀

四

拂雲端繞堦流水迷幽戶入座青山映畫欄形勝遙連花縣秀
地靈近逼浪風殘防川暗得宮神佑况有新堤護遠灘 又龍
閣遠眺畫閣超然拓眼光憑高遠眺興飛揚樓收中嶽千層翠
戶繞南河一帶黃隔岸人家來隱隱乘風客棹去茫茫更觀天
際雲霞起欲應龍吟布采章 吳煥詩蘇封何處最稱雄捍禦
翻新豎邑東殿宇輝煌竇地缺樓臺巍聳插天空山浮翠綠橫
欄外波湧濁黃映牖中巨浪蟲蝗從此息千秋報賽仰神功

衙神廟

在縣大門內左春
秋二仲月戊日祭

獄神廟

在監獄內春秋
二仲月戊日祭

馬神廟

在縣署後六月
二十三日祭

城隍廟

在縣
治後

周大律記國之大事祀典居其一祀也者非徒禳禍祈福執輪

遇果報之說以驚愚民使之焚香禱祝已也亦曰崇有功報有德以正人心厚風俗云爾邑之有城城外有隍國家以為保障入民以為庇廕其神聰明正直立廟以祀之非誕也宜也第有燔造於始必有遞修於繼者而後廟貌常新足以肅觀瞻而起敬我温城隍神廟創建以來重修者不可勝記邇年來棟宇朽折磚瓦破落墻垣傾頽丹雘漶漫急需修葺而莫為之倡平谷孫公來尹茲土興廢補偏濟隍築城温之形勢燦然改觀矣乃謀新其廟貌以妥神明于是紳衿士庶羣捐貲而勸義舉庀材鳩工始自康熙乙未年五月由門堂寢室及廊廡臺垣朽折者更之破落者補之傾頽者築之漶漫者新之宮殿清肅金碧輝煌而廟之西舊有馬神祠亦為繕完全金糶合內外而維新焉凡四越歲至己亥秋而工竣茲舉也事雖由舊功侔創新從此人

温縣志

卷之八

祠祀

五

人竭誠致敬常存崇功報德之思則人心正而風俗厚此温民之福也即邑侯之志也因為之書諸石以垂將來

東嶽廟

在東門內

三皇廟

在縣治東

帝王廟

在縣東南隅

三皇廟

在西關北街

二官廟

在西門外

雷神廟

在東關

火神廟

在東關雷神廟內
一在西關南街

瘟神廟

在城內湯王廟內

觀音堂

在城內馬道街
僧錄司在此

城隍廟

在城外西南隅
國朝康熙五十四年知縣孫眉以修

李夢麟記温居大河之陽嵩山峙其南王屋大行繞其背古
名區然其地一帶平曠無陂臺亭觀之美欲求登眺之所以
氣節無有也傍城西南隅有邱巍然俯臨洪溝談形勢者因言
增築俗名小頂蓋因武當有大頂而以是配之也上祀玄武神
香火頗盛良辰佳節邑士庶多往遊焉予數欲步履其間因循
未果一日王生琰吳生玉斗見過謂廟功告竣例有碑志屬予
叙次其巔末按祀典古有五帝立帝居其一顓頊實主之顧後
世道家者流多以淨樂太子當之其神仗劍披髮擁皂旗繪七
星其上龜蛇護左右然七星者玄武宿也龜蛇者其象也則亦
依然立帝之義矣明太宗靖難兵抵滁州恍見有神擁護其後
及御極詔天下祀事惟謹今武當山右銅為殿即其事也然此
此舉上本祀典近遵明詔事雖近俗固法所應得實與淫祀不

温縣志

卷之八

祠祀

六

同况伊邇城市即得此塏爽地為抒懷登望之所登斯邱者
俯平疇煙火相接極目遠矚山青雲白波光隱現盪胸拂睫
可謂非廣大踈通之一助也是役也首之者居民石甌璋
者候選經歷鄭金章王大受等捐施募化規模乃大脩云

孫真人廟

在連珠塚上

文王廟

在平

濟瀆廟

在張羗

林肇

王利

右賢鎮

元帝閣

在北城上

知縣孫眉創建培邑風脉

康熙五十八年

府君廟

在縣西

王錫命記縣治西門外里許建齊聖廣祐王崔府君廟鄉人
事維謹余常道經廟下因考王世系芳蹟而父老傳聞多誕
不可信歲丁未余司教湯陰亦有王祠余進謁得實錄一冊

僧房携以歸讀一過乃嘆聰明正直靈異赫顯宜其受禋祀於
無窮也王璋珽字子玉崔其姓和州古城縣人父公讓母劉氏
家貲巨富好施與年五十無嗣禱於東嶽神夫婦同夢有捧美
玉於盤稱言上帝賜劉受而納諸懷遂孕王誕於開皇五年六
月六日子時異香盈門人竒之以夢故命名珽聰慧日記千言
方正自持舉孝廉為隋太子府副監太子失德遂引退唐貞觀
元年招納賢良應詔出初授員外郎改授長子令尋調滏陽歷
蒲州刺史河北二十二州採訪使所至化暴安良多異政人益
神之貞觀二十二年十月初十日卒於官子敬嗣受遺囑歸葬
滏陽之鼓山下時封護國嘉應侯詔有司繪象以祀自是歷宋
金元明俱有封號云據實錄所載如伏虎斬蛟決幽理陰諸竒
績儒者或未之信然誠精而明是以通於幽明之故而知鬼神

溫縣志

卷之八

祠祀

七

之情狀其亦有未可概疑者耶其他實政必有加循吏一等惜
人情好怪僅傳其異者余既破異為信深恐後人以疑傳疑等
於淫祠之莫可究詰也故為述其畧以記之

結義廟

在東關

皮場廟

在郭家作

王錫命辨邑西五里許有皮場廟其來已久莫究所自皮訛裴
場訛昌廟旁居民錯處分廛列市直號曰裴昌廟集云歲丁未
余司鐸湯陰閱邑乘乃恍然知裴之實為皮而昌之實為場也
按湯志載西湖遊覽記曰張森湯陰人縣故有皮場鎮萃河北
皮鞣蒸潰產蠹螫人輒死森時為場庫吏素謹事神農氏禱神
殺蠹鎮民德之遂立祠凡疹疾瘍瘡有禱輒應漢建武間守臣
以聞遂崇奉之傍邑皆立廟宋時建廟於汴城顯仁坊建炎南

渡有商立者携神像至浙舍於吳山看江亭因以爲廟額曰惠應俗呼皮場廟咸淳德祐累封王爵兩廡繪二十四仙醫相傳佐神農氏採藥者也當宋時頗著靈異湯志所載如此余是嘆未有無功德於民而能廟食者惜代遠年湮遂至以訛傳訛而鄙俚不根雖神之受享如故而人之所以奉神者不其踈哉爰亟錄示衆且以備考云

王公祠

祀巡撫王日澡在文廟後今廢

邑令滑彬記帝王疆理天下念輿圖遙廣德化難以遍及特簡威望大臣鎮撫之徃徃以公輔之才出而爲屏翰蓋其人爲九重所孚契朝入告而夕蒙息非郡邑有司煦煦行仁動多掣肘者比然位高而去民遠故閭閻之被澤也難豫州居天下中商周以來夙稱畿甸地累罹河患疇人不安厥居而温邑士瘠民

温縣志

卷之八 祠祀

八

貧較諸邑尤甚歲在壬戌大中丞華亭王公奉 天子命來撫茲土先是公駐汴防河豫民愛戴有素聞公重來莫不額手稱慶職以非才亦於是年秋杪謬膺温邑民社之寄因得依光宇下而熟悉公勤察民隱遍問疾苦之至情其間積弊相仍久爲民患者公一一一起而整刷之可以專制者刻期卽行格於定例者不次入告雖然此猶與閭省士民同其感戴者也温邑食鹽舊隸河東頻年池不產鹽價騰課急官民皆受其累公爲題請改食長蘆味佳而價平而民間無淡食之苦雖然此猶與甬懷通郡均其霑被者也至若温邑濱河之田頗稱膏腴河流遷徙不常半至塌沒貧民無地賠糧產業耗盡繼以逃亡公允以河沙新漲之地頂補舊塌之糧永著爲令每年一行丈量而沿河百姓無賠糧之虞又若温邑陋規現年大差十載一輪強者

而射利弱者遂至破家公檄照河內等縣從地土十甲供一年
徭役而里甲偏枯之實塞吏慮民不知教風俗日靡公諭設義
學以訓秀民講鄉約以化緝氓比年以來稍知禮讓返於淳樸
絃誦之聲殆遍四境焉凡此者公之德澤其被之豫省者固自
不窮而加意溫民更若獨殷且摯也維時溫之紳士黎庶相率
而請曰有公如此而不思所以垂久其德業不朽其稱施大非
人情職仰體中懷且辭且諭曰溝溫侈澤而河海忘其汪洋燿
火炫明而日月渾其照臨今公之及爾百姓士庶者河海之汪
洋日月之照臨也與其以頌之者報之無寧以忘之者戴之士
民僉曰侯言固當然于億萬人積忱曷展願無重拂吾民意乃
卜地縣治中區創建王公書院鳩工庀材不日告成落成之日
欲勒石以垂永久乃復謀於職曰吾儕小民今日傾誠以祀公

溫縣志

卷之八

祠祀

九

非徒頌公之聲名正以報公之德政亦非徒羨公之德政克振
興於目前正以望公之良法歷百世而不變也職於是而知異
一曰者公入相 天子凡典利除害之舉動開天下民生者無不
悉舉而脩行十五國遐陬僻壤將蒙福而戶視之豈僅溫邑一
隅之禱頌已哉

邵公祠

祀溫令邵紳
在郭村鎮

徐公祠

祀著溫事徐登巖
在郭村鎮

萬石君祠

在西
開

邑令張承謨記今夫賢士大夫言而可為天下法行而可為天
下則者雖百世而下猶足令人景仰而興起焉萬石君謨嘗

聖壽其無文學

謹無與比子其人皆

訓行

石而少之

...

...

...

之淳篤莫先萬石君父子今 聖天子勵精圖治以厚風俗正
人心為急務 藩憲趙公奉 命宜猷思風勵俗屬人民相率
而歸於實行以萬石君之祠在溫邑而後裔亦在焉檄承謨修
其祠以風世承謨遵奉施行萬石君之裔孫永泰亦敬謹從事
并酌撥灘地百畝捐其額賦給永泰遵守世為歲時蒸嘗之用
詳明 藩憲立案從此而萬石君之祠宇整潔輝煌不特邑之
士民奉為儀型模楷而往來之縉紳冠蓋經過溫邑亦當瞻仰
流連以生其景仰之心豈非世道人心之一助耶是為記

以上祠廟除秩祭外俱係民間私祀

設彌寺

在城內東南隅即晉宣帝故宅初建南門內名興化寺
金天會十年歲荒僧人善智化糧煮粥濟人因改是名

明嘉靖元年太守王公移於此

馬歲久作僧廬露隱河源出沙穿浦月虛無言謝誼擾入室問

溫縣志

卷之八 祠祀

真如

重興寺

在夾樹頭村舊名天王寺春秋魯僖
公二十八年壬申公朝於王所即此

兩院寺

在西晉村

靈感寺

在西呂村

福智寺

在楊門村東漢時
建唐太宗重修

招隱寺

在賢鎮

寧國寺

在南王鎮

永安寺

在趙壘鎮

清涼寺

在南賈村

慈航寺

在村

舌聖寺

在陳家溝

慈聖寺

在大吳村舊名
聖世稱三絕

溫庭筠詩路分

溪石夾烟叢十里蕭蕭古樹風出寺馬嘶秋色裏向陵鶴鳳夕
陽中竹間泉落山厨靜塔下僧歸殿影空猶有南朝舊碑在耻
將與廢問休公